



Broj: 15-03-16-5-1-31/21
Datum: 26.4.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U
o izboru najpovoljnijeg ponuđača
Član 1.

Najpovoljniji ponuđač u postupku javne nabavke **tonera i drugog kompjuterskog materijala** objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-1-1-4-3-26/21 od 3.3.2021. godine, koji je proveden otvorenim postupkom, je **R&S d.o.o. Sarajevo**.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke je konstatovala je da je rok za dostavljanje ponuda 25.3.2021 godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle četiri (4) ponude i to ponuđača: DEFTER d.o.o. Sarajevo, EKO-PRINT d.o.o. Banjaluka, VELETON d.o.o. Laktaši i R&S d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

U postupku analize i ocjene ponuda, Komisija je utvrdila da je ponuđač EKOPRINT d.o.o. Srpskih pilota 39, Banja Luka, uz svoju ponudu dostavio podatke o ugovoru koji je zaključio sa drugom ugovornom stranom i kopiju tog ugovora, a što nije u skladu sa tačkom 6.5.1. Tenderske dokumentacije u kojoj je definisani dokazi koje dostavlja ponuđač u smislu ispunjavanja uslova iz tačke 6.5. Tenderske dokumentacije, zbog čega je ocijenila da ovaj ponuđač nije postupio u skladu sa Tenderskom dokumentacijom iz kojeg razloga nije kvalifikovan, te je odbacila njegovu ponudu.



Konstatovano je da ponude ponuđača DEFTER d.o.o. Sarajevo, EKO-PRINT d.o.o. Banjaluka, VELETON d.o.o. Laktaši i R&S d.o.o. Sarajevo ispunjavaju sve zahtjeve u pogledu opisa predmeta nabavke i tehničkih specifikacija i sve su kvalifikovane i prihvatljive.

Analizom ponuda i primjenom kriterijuma najniže cijene nakon provedene e-aukcije, Komisija je utvrdila da ponuda ponuđača R&S d.o.o. Sarajevo, Igmanska bb. Vogošća, sa ukupnom cijenom od **19.477,00 KM bez PDV-a**, što iznosi **22.788,09 KM sa PDV-om**, u ekonomskom i tehničkom smislu u potpunosti zadovoljava zahtjeve Agencije, te je dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC

дигитално потписано / digitalno potpisano / digitally signed